

鄭

氏

宗

譜

第

號

鄭氏大統宗譜第二卷

凡例

一我鄭氏以國爲姓自周宣王時受封歷春秋以至戰國有史記鄭世家可考無庸追述

一我鄭氏自兩漢以至北宋代有聞人第南渡舊譜未得仍遵前例世次從文正公起不敢附會懼失實也

一文正忠肅二支嘉慶前各譜其譜然皆唐季宰相蘊武公後所謂異派而同源也故合之

一各支遷有先後故舊譜世次皆自文正公起此次修輯仍照

前例則合族尊卑一問而知

一吾族繁衍或前存其支而今則轉徙者或其支式微而年遠無稽者採訪未能普及務望後次修譜補所不逮

一世表皆依來稿刊刻嫡庶繼嗣由本支自行據實填送倘有任情弄巧致啟爭端不得以局中爲藉口

一族繁支散世表悉依來稿按支編輯且丁丑戰事一起攜稿轉輾避難其中片紙隻字未免遺漏雖嗣後一再函催來局校對有因路途阻隔觀望不前者倘有遺漏之處後次續修務彙而核之庶乎不致錯誤

唐五附馬記

敬立公尙安定公主高祖女始封千金

孝義公尙鄜國公主睿宗女崔貴妃所生三歲而母薨哭泣不食三日如成人始封荆山開元初封邑至千四百戶

巽公尙蕭國公主蕭宗次女始封寧國

沛公尙紀國公主肅宗六女始封宜寧薨元和時

何公尙梁國恭靖公主順宗女與漢陽公主同生始封咸甯郡主徙普安追封及謚

藥方總論

卷一

一書

唐五代十賢相事畧

綱字文明有奇志善屬文守道寡慾世以耆德稱之所交皆天下名士擢進士宏詞高第憲宗朝拜中書侍郎同平章事太子太保

餘慶字居業少勤學善屬文公砥名礪行不失儒者之道清儉樸素終始不渝四朝居宰相之位出入垂五十年其祿皆賑濟宗親急大厯中進士貞元中拜同平章事被貶復相加太子少傅滎陽郡公不避權幸子澣諡曰貞

從讜字正求餘慶公孫澣子進止有禮法性不矜滿沉毅有謀

僖宗立擢公同中書門下平章事都護李國昌反拜公爲招討使詔自擇參佐公握重權一時名士皆公選調京師士人比太原爲小朝廷言得才多也拜太子太保諡文忠

延昌餘慶公孫天資篤學善詞賦爲文長于敘事累官戶部尙書中書門下平章事

珣瑜少孤躬耕養公性嚴重未嘗以私託人人亦不敢干以私立朝侃侃初爲宋城尉累官同平章事子覃朗潛時稱父子三賢相

覃公經述該深諄篤守正清正退約與人未嘗串狎位相國所

居第不加飾內無妾媵女公之侍講每以厚風俗黜明比再
三爲天子言故終爲相然疾要多所不容世以爲太過憚之
累遷刑部尙書右僕射拜同中書門下平章事封滎陽郡公
朗字有融累官工部尙書同中書門下平章事右拾遺鄭言者
故在幕府公以諫臣與輔爭得失不論則廢職奏徙他官久
之以疾自陳罷爲太子少師卒諡司空

肅字又獻以儒世家學有根柢舉進士書拔萃累官至中書門
下平章事挺挺有大臣節與李德裕協心輔政朝野賴之

畋字台文亞公子舉進士宣宗時爲翰林學士詔書紛委公思

不淹晷成文燦然皆切機要當時推之公善韜畧屢有搗虜
功以兵部侍郎進同中書門下平章事封滎陽郡侯謚曰文
昭配饗

僖宗廟廷

當時公傳

公諱當時字莊其先鄭君者嘗爲項籍將籍死屬高祖高祖嘗令諸故項籍臣皆名籍鄭君獨不奉詔詔盡拜諸名籍者爲大夫而逐鄭君鄭君死孝文時莊以任俠自喜聲聞梁楚間嘗爲太子舍人置驛馬長安諸郊存諸故人請謝賓客夜以繼旦常恐不徧其游知交皆其大父行天下有名士也嘗誠門下客至無貴無賤留門者執賓主禮以其貴下人又不治產業第仰奉賜以給每見上未嘗不推轂天下士山東諸公以此翕然稱鄭莊莊嘗奉使視決河清治行五日上曰吾聞鄭莊行千里不齎

糧治行者何也卒汝南太守中廢家貧賓客益落而子孫至二千石者六七人

當時公傳略補遺

當時公字莊滎陽開封人也其先裔出周厲王少子友之後漢孝景時爲太子舍人好黃老言其慕長者如恐不稱武帝卽位稍遷爲魯中尉濟南太守江都相至九卿爲右內史以武安魏其時議貶秩爲詹事遷爲大司農不治產仰奉賜給諸公然其餽遺人不過具器食每朝候上間說未嘗不言天下長者其推轂士及官屬丞史誠有味其言也嘗引以爲賢于己未嘗名吏與官屬言若恐傷之聞人之善言進之上惟恐後然在朝常趨和承意不敢甚斥臧否漢征匈奴招四夷天下費多財用益屈

公爲大司農任人賓客僦入多逋負司馬安爲淮陽太守發其事當時以此陷罪贖爲庶人頃之守長史遷汝南太守數歲以官卒公始與汲黯列爲九卿內行修兩人中廢賓客益落公死家亡餘財先是下邳翟公爲廷尉賓客亦填門及廢門外可設爵羅後復爲廷尉其門下客欲往翟公大署其門曰一死一生乃知交情一貧一富乃知交態一貴一賤交情乃見贊曰張釋之之守法馮唐之論將汲黯之正直當時之推士不如是亦何以成名哉揚子以爲孝文親詘帝尊以信亞夫之軍曷爲不能用頗牧彼時有激云爾

子游公傳

公諱崇字子游其先系出滎陽本高密大族世與王家相嫁娶
祖父以訾徙平陵父賓明法律爲御史事貢公名公真公少爲
郡文學史至丞相大車屬弟立與高武侯傳喜同門學相友善
喜爲大司馬薦公哀帝擢爲尙書僕射數求見諫爭上初納用
之每見曳革履上笑曰我識鄭尙書履聲矣上欲封祖母傳太
后從弟商公諫曰孝成皇帝封親舅五侯天爲赤黃晝昏日中
有黑氣今祖母從昆弟二人已侯孔鄉侯皇后父高武侯以三
公封尙有因緣今無故欲復封商壞亂制度逆天人心非傳氏

之福也臣聞師曰逆陽者厥極弱逆陰者厥極凶短折犯人者有亂亡之患犯神者有疾夭之禍故周公著戒曰惟王不知艱難惟耽樂是從時亦罔有克壽故衰世之君夭折蚤歿此皆犯陰陽此害也臣願以身命當國咎公因持詔書案起傅太后大怒曰何有爲天子乃反爲一臣所專制邪上遂下詔仍封傅氏云云公又以董賢貴寵過度諫由是重得罪數以職事見責發疾頸癰欲乞骸骨不敢尙書令趙昌佞諂素害崇知其見疏因奏崇與宗族通疑有姦請治上責崇曰君門如市人何以欲禁切主上公對曰臣門如市臣心如水願得考覆上怒下公獄死獄中

仲師公傳

公諱衆字仲師自幼精經學建武中皇太子及山陽王荆聞其名以縑帛聘擬署爲通義引籍殿中出入託梁松道意焉公謂松曰太子儲君無外交之義且藩王不得私通賓客漢法也辭不受松強之衆曰犯禁觸罪毋寧以守正死太子及荆聞而奇之遂不復強後梁氏敗賓客多坐衆獨超然顯宗時衆嘗持節使匈奴至北庭虜令衆拜衆曰吾忍持大漢節對氊裘稽顙乎不爲屈單于大怒圍閉衆絕其水火欲脅之衆拔刀自誓單于恐而止議者比之蘇武所著撰有春秋刪十九篇少帝念其功

鄭州縣志

卷一

四書

美封鄴鄉侯

巨君公傳

公諱弘字巨君會稽山陰人也其先系出滎陽家于山東之臨淄漢武帝時遷強宗大姓不得族居故曾祖父官至蜀羣屬國都尉將三子移居山陰因遂家焉長子吉爲雲中都尉西域都護中子兗州刺史少子舉孝廉理劇東部侯也公少爲鄉嗇夫太守第五倫行春見而深奇之召署督郵舉孝廉公師同郡河東太守焦贛楚王英反發覺以疏贛七被收沒于道妻子繫獄諸生故人皆變姓逃禍公獨上章爲贛訟寃顯宗赦其家屬公躬送喪及妻子還鄉里由是顯名拜爲騶令政有仁惠民稱蘇

息遷淮陰太守四遷建初爲尙書令公前後所陳有補益王政者皆著之南宮以爲故事出爲平原相徵拜侍中建初八年代族兄衆爲大司農舊交趾貢獻路從東治汎海而致風波公開濬嶠道于是夷通至今遂爲常路在職二年所息省三億萬計時歲天下旱澇民食不足者公奏宣省貢獻減徭費以賑飢人帝准其議劾尙書張林阿附侍中竇憲而素行賦穢又上洛陽令楊光憲之賓客在官貪殘由是憲等奏公大臣漏泄密事帝詰讓公收上印綬遂乞骸骨歸未許病篤上書陳謝并言憲之短帝有章遣醫占公病比至已卒臨歿悉還賜物敕妻子褐巾

布衣素棺殯殮以還鄉里

鄭氏大充宗譜

卷一

巨君公傳

六書帶草堂

言者正

康成公傳

公諱玄字康成少爲鄉嗇夫非其好也去而造太學師事京兆第五元又師事東郡張恭祖遂通諸經及三統歷九章算術謂山東無足問者遂西入關因盧植以事馬融融時門徒四百升堂進者五十餘人融素驕貴公伺門下三年不得見第令高業弟子傳授公公精心誦習盡得其解一日融會諸生考論圖緯公以善算召見樓上因從質諸疑義已卽辭歸融喟然曰鄭生去吾道東矣公家貧耕東萊學徒從者百千黨事起遂杜門不出時任城何休好公羊學著公羊墨守左氏膏肓穀梁廢疾公

爲著發墨守鍼膏肓起廢疾休見而歎曰康成遂入吾室操吾
戈以伐我乎靈帝末黨禁解大將軍何進聞而辟之州郡迫脅
公不得已詣進進爲設几杖執禮特恭公不受朝服而以幅巾
見一宿逃去孔融深敬公屣履造門告高密令爲公特立一鄉
曰昔齊置士鄉越有君子軍昔人又稱太史公廷尉吳公謁者
僕射鄧公又商山四皓有園公夏黃公然則公者仁德之正號
不必三事大夫也其以鄭君鄉爲鄭公鄉又令廣門衢使可容
高蓋號通德門時黃巾賊數萬皆相約不許入公境止一子蓋
恩爲赴孔融難身隕有遺腹子公以其手文似己名之曰小同

史論康成公曰自秦焚六經聖文埃滅漢興諸儒頗修藝文及
東京學者亦各名家而守文之徒滯固所稟異端紛紜互相詭
激遂令經有數家家有數說章句多者或乃百餘萬言學徒勞
而少功後生疑而莫正鄭玄括囊大典網羅眾家刪裁繁蕪刊
改漏失自是學者略知所歸王父豫章君每考先儒經訓而長
子玄常以爲仲尼之門不能過也及傳授生徒並專以鄭氏家
法云云

[The main body of the page contains multiple vertical columns of text, which are extremely faint and illegible due to the quality of the scan. The text appears to be organized in a structured format, possibly a list or a table, but the individual characters cannot be discerned.]

康成公列傳後

林希

余嘗謂聖人之教尤備於禮自堯舜以來積於三代周之所以爲周者守此也秦悖人道書灰於火學士腐於坑天下之口不復敢言仁義先王之道不亡而存者幾何也賴當時耆儒老叟遺及漢世口誦手傳或於山巖屋壁之間收拾缺篇折冊朽蠹斷絕之餘次而成文猶有篇章條類明白蓋其初不經聖人之手至後世又遭磨滅其不能完而少有訛誤豈能免也及得鄭氏注精微通徹鈎聯瀆會故古經益以明世學者皆知求而易入識爲人之道者漢諸儒之功而成之者鄭氏也其於法制更

爲章明獨失之者緯也然當大壞之後聖人不出以一人之思慮欲窮萬世之文豈不難哉世之人猶指其一二而譏之遂以鄭爲一家之小學噫亦甚愚矣蓋玩文辭則薄經術抑不思其所謂功者雖立猶有所不敢盡况無立哉當漢之末奸雄競起立身出禁錮四方聘請不能動其志脫一身於污濁之世獨全其道至使黃巾望之而拜不入其境嗟夫歷千百年及此者廼幾人尙敢輒訕立哉若立者可謂賢矣

弱齊公傳

公諱虔字弱齊玄宗時爲廣文館博士善圖山水好書常苦無紙慈恩寺貯柿葉數屋公日往取葉肄書歲久幾徧嘗自寫其詩併畫以獻帝大署其尾曰鄭公三絕署著作郎已爲祿山所劫賊平與王維並囚二人皆善畫崔圓使繪齋壁二人悸死爲極思以祈解得免死居官貧約如洗杜甫贈以詩有才名四十年坐客寒無氈之句時有鄭相如者自滄州來師事公公未之禮問何所業相如曰孔子稱百世可知吾亦能之公駭然卽曰開元盡三十年當攻元盡十五年天下亂賊臣僭位公當汗僞

官願守節可得免公因問曰君自謂云何曰相如有官三年死
衢州是年公及進士第調信安尉既三年公詢吏部則相如死
矣祿山反公念相如言故終不附賊

道子公傳

公諱鮮之字道子高祖渾魏將作大匠晉祖襲大司農父遵尙書郎襲初爲江乘令因居縣境鮮之下帷讀書絕交游之務初爲柏偉輔國主簿先是兗州刺史滕恬爲丁零翟遼所殺屍喪不反恬子羨仕宦不廢議者嫌之柏立在荊州使羣僚博議鮮之議曰名教大極忠孝而已至乎變通抑引每事輒殊本而尋之皆是求心而遺蹟七之所乘遭遇或異故聖人或就蹟以助教或因蹟以成罪屈伸與奪難可等齊舉其阡陌皆可畧言矣天可逃乎而伊尹廢君君可脅乎而鸞權見善忠可愚乎而箕

子同仁自此以還殊實而齊聲異譽而等美者不可勝言而欲令百代之下聖典所闕正斯事於一朝豈可易哉然立言明理以古證今當使理厭人情如滕羨情事者或終身隱處不關人事或昇朝理務無譏前哲通滕者則以無譏爲證塞滕者則以隱處爲美折其兩中則異同之情可見矣然無譏前哲者厭情之謂也若王陵之母見亨於楚陵不退身窮居終爲社稷之臣非爲榮也飽勛蹇諤魏朝亡身爲效觀其志非貪爵也凡此二賢非滕之證夫聖人立教猶云有禮無時君子不行有禮無時政以事有變通不可守一故耳若滕以此一二賢爲證則恐人人

自賢矣若不可人人自賢何可獨許其證譏者兼在於人不但
獨證其事漢魏以來記闕其典尋而得者無幾人至乎大晉中
朝及中興之後楊臻則七年不除喪三十餘年不闕人事溫公
則見逼於王命庾左丞則終身不著袷高世遠則爲王右軍何
驃騎所勸割無有如滕之易者也若以緘麻非爲哀之主無所
復言矣文皇帝以東關之役尸骸不反者制其子弟不廢婚宦
明此孝子已不自同於人倫有識已審其可否矣若其不爾居
宗輔物者但當卽聖人之教何所復明制於其間哉及至永嘉
大亂之後王敦復申東關之制于中興原此是爲國之大計非

謂訓範人倫盡於此也何以言之父讐明不同戴天日而爲國不可許復仇此自以法奪情卽是東關永嘉之喻也何妨綜理王務者布衣以處之明教者自謂世非橫流凡士君子之徒無不可仕之理而雜以情譏謂宜在貶裁耳若多引前事以爲通證則孝子可顧法而不復讐矣文皇帝無所立制於東關王敦無所明之於中興每至斯會輒發之於宰物是心可不喻乎且夫求理當先以遠大若滄海橫流家國同其淪溺若不仕也則人有餘力人有餘力則國可至乎亡家可至乎滅當斯時也匹婦猶亡其身况大丈夫哉旣其不然天下之才將無所理滕但當

盡陟岵之哀擬不仕者之心何爲證喻前人以自通乎且名爲
大才之所假而小才之所榮榮與假乘常已有慙德無欣工進
何有情事乎若其不然則工進無欣何足貴於千載之上邪苟
許小才榮其位滕不當顧常疑以自居乎所謂柳下惠則可我
則不可也且有生之所宗者聖人聖人之爲教者禮法卽心而
言則聖人之法不可改也而秦以郡縣治天下莫之能變漢文
除肉刑莫之能復彼聖人之爲法猶見改於後王况滕賴前人
而當必通乎若人皆仕未知斯事可俟後聖與不况仕與不仕
各有其人而不仕之所引每感三年之下見議者弘通情紀每

傍中庸又云若許譏滕則恐亡身致命之仕以此而不盡何斯言之過與夫忠烈之情初無計而後動若計而後動則懼法不盡命若有不盡則國有常法故古人軍敗於外而家誅於內苟忠發自內或懼法於外復有踟躕顧望之地邪若有功不賞有罪不誅可致斯喻耳無有名教翼其子弟而子弟不致力於所天不致力於所天則王經忠不能救主孝不顧其親是家國之罪人耳何所而稱乎夫恩宥十世非不隆也功高賞厚非不報也若國憲無負于滕恬則羨之通塞自是名教之所及豈是勸阻之本乎議者又以唐虞邈矣就知所歸尋言求意將所負者

多乎後漢亂而不亡前史猶謂數公之力魏國將建苟令君正色異議董昭不得枕蘇則之郟賈充受辱于庾純以此而推天下之正義終自傳而不沒何爲發斯歎哉若以時非上皇便不足復言多者則夷齊子詭望子房于四人亦無所復措其言矣至于陳平默順避禍以權濟屈皆是衛生免害非爲榮也滕今生無所衛鞭笞已冥義安在乎昔陳壽在喪使婢丸藥見責鄉閭阮咸居哀騎驢偷婢身處王朝豈可以院護通前世便無疑於後乎且賢聖抑引皆是究其始終定其才行故雖事有驚俗而理必獲伸郗詵葬母後園而身登宦所以免責以其孝也日

磔殺兒無譏以其忠也今豈可以二事是忠孝之所爲便可許
殺兒葬母後園乎不可明矣既其不可便當究定膝之才行無
所多辯也膝非下宦鄉親又不周旋才能非所能悉若以膝謀
能決敵才能周用此自追蹤古人非議所及若是士流故謂宜
如子夏受曾參之詞可謂善矣而子夏無不孝之稱也意之所
懷都盡於此自非各理何緣多其往復如其折中裁之居宗桓
偉進號安西轉補功曹舉陳郡謝綯自代曰蓋聞知賢弗推臧
文所以竊位宣子能讓晉國以之獲寧鮮之猥承人乏謬蒙過
眷既恩以義隆遂再叨非服知進之難屢以上請然自得之志

未獲暫申夙夜懷冰敢忘其懼伏見行師軍謝絢清悟審正理
懷通美居以端石雖未嘯舒其采章升庸以漸差可以位擬人
請乞愚駑甘充下列授爲賢牧實副羣望入爲員外散騎侍郎
司徒左西屬大司馬琅邪王錄事參軍仍遷御史中丞性剛直
不阿強貴明憲直繩甚得司直之體外甥劉毅權重當時朝野
莫不歸附鮮之盡心高祖獨不屈意於毅七甚恨焉義熙六年
鮮之使治書侍御史丘洹奏彈毅曰上言傳詔羅道盛輒開牋
遂盜發密事依法棄市奏報行刑而毅以道盛身有侯爵輒復
停宥按公勲德光重任居次相旣殺之非已無緣生之自由又

奏之於先而弗請于後闕外出疆非此之謂中丞公於毅舅甥制不相糾臣請免毅官詔無所問時新制長吏以父母疾去官禁錮三年山陰令沈叔任父疾去職公因此上議曰夫事有相權故制有與奪此有所屈而彼有所伸未有理無所明事無所獲而爲永制者也省父母之疾卽加以罪名悖義疾理莫此爲大謂宜從舊於義爲允從之劉毅當鎮江陵高祖會於江寧朝士畢集毅素好擣菹于是會戲高祖與毅歛局各得其半積錢隱人毅呼高祖併之先擲得雉高祖甚不說良久乃答之四坐傾矚旣擲五子盡黑毅意色大惡謂高祖曰知公不以大坐席

與人公大喜徒跣繞床大叫聲聲相續毅甚不平謂之曰此鄭君何爲者無復甥舅之禮高祖少事戎旅不經涉學及爲宰相頗慕風流嘗謂人曰我無術學言義尤淺比時言論諸賢多見寬容唯鄭不爾獨能盡人之意甚以此感之時人謂爲格佞自中丞轉司徒左長史太尉咨議參軍俄而補侍中復爲太尉咨議十二年高祖北伐以爲右長史公之曾祖墓在開封相去三百里乞求拜省高祖以騎送之後虜陷關中高祖復欲北討行意甚盛公上表諫之高祖踐祚遷太常都官尙書公爲人通率在·高祖坐所言無隱時人甚憚焉而隱厚篤實瞻卹親故性好

游行命駕或不知所適隨御者所之尤爲高祖所狎上嘗于內
殿宴飲朝貴畢至惟不召公坐定謂羣臣曰鄭鮮之必當自來
俄而外啟尙書公詣神獸門啟事高祖大笑引入其被親遇如
此永初二年出爲丹陽尹復入爲都官尙書加散騎常侍元嘉
三年尙書右僕射四年卒時年六十四追贈散騎常侍金紫光
祿大夫文集傳于世子愔位至尙書郎始興太守

僖伯公傳

公諱道昭字僖伯幼璘公之子也公博覽郡書才擅文詞累官
秘書監兗州刺史至國子祭酒孝文帝嘗饗侍臣與兄懿俱侍
坐孝友歌曰白日光天無不耀江左一隅獨未照懿續曰雲雷
大振兮天門闢率土來賓一正歷道昭曰皇風一鼓兮九地匝
戴日依天清六合公生子三述祖官至太子少保遵祖光州刺
史順祖太常丞孫元禮侍詔文林館太子舍人咸以忠節著

...

...

...

...

...

...

...

...

...

...

德芳公傳

元壽字德芳隋沛國公譚之子性察慧愛尙文藝以父功拜儀
同襲爵累遷右衛將軍更封莘國公大業末出爲文城郡守高
祖兵興遣將張綸西畧地攻拔其城係致軍門釋之授太常卿
與襄武王琛使突厥還爲參旗將軍公習軍旅事帝令教諸屯
軍法劉武周將宋金剛與突厥處羅可汗犄角寇汾晉詔公諭
罷可汗兵不聽乃進爲武周援會暴疾其不意公寘毒囚之處
羅死頡利立留帳中數年帝旣許可汗婚公始得還帝勞曰卿
不辱於虜可輩蘇武張騫矣拜鴻臚卿母喪免貞觀三年復使

夷狄後轉左衛侯大將軍坐事免起爲宜州刺史以老致仕卒
贈幽州刺史諡曰簡公幹敏所至常有譽五聘絕域

善果公母傳

母崔氏年十三適鄭誠誠以討尉廻戰死年二十而寡凜節操
識大體善果爲景州刺史每出聽事母恒於幃後察之一日聞
其妄瞋母卽退蒙被泣終日不食善果伏不敢起母乃起告之
曰吾非怒汝恨愧汝家耳汝父在官清恪以身殉國吾寡婦有
慈無威汝自童子便襲茅土位方伯豈汝身致之安得不念及
此而妄瞋怒內墮家風外虧國法吾死何以見汝先人善果乃
頓首受命母恒自紡績夜分始寐善果進曰兒幸封侯位居三
品秩俸幸足何自苦母歎息謂曰汝年已長吾謂汝知事理今

聞此言若猶未也夫此秩俸乃天子所以報爾先人之殉命也當散瞻六親爲先君廣惠奈何僅以妻子受之且絲枲紡織婦人本務自王公以下爲之婦者必各有所業若其墮業卽爲驕逸吾縱不知禮可自敗名乎善果稽首曰謹受教

善果公傳

善果公祖在魏爲顯家父誠周大將軍開封縣公討尉遲迴戰死善果方九歲以死事子襲爵家人爲其幼弗告也及受詔號泣不自勝隋開皇初進封武德郡公年十四爲沂州刺史累轉魯郡太守善果母崔賢明曉政治嘗坐閤內聽善果處決或當理則悅有不可則引至牀下責媿之故善果所至有績號清吏嘗與武威太守樊子蓋考爲天下第一煬帝賜物千段黃金百兩再遷大理卿突厥圍帝雁門以守禦功拜右光祿大夫從幸江都宇文化及弒逆署民部尙書從至遼城淮安王神通攻之

善果督戰中流矢神通解俄爲竇建德所獲王琮讓之曰公隋大臣自尊大人亡名稱衰今以忠臣子爲逆賊徇命至傷夷謂何公慙欲自殺或止之得不死建德不之禮乃歸神通送京師擢太子左庶子更封滎陽郡公數爲太子陳得失未幾檢校大理卿兼民部尙書奉法持正風績顯公卿間詔與裴寂等十人每奏事若侍得升殿而從父兄元璵亦與時以爲榮坐事免會山東平持節爲招撫大使以選舉失實除名後歷刑部尙書貞觀初出爲岐州刺史以累去復拜江州刺史卒

恩叟公傳

公諱露字恩叟其先出自滎陽當時公之苗裔也過江入閩遠祖昭公嘗過泉之莆口愛其風土淳麗因遷祖墳於南山葬焉至五代陳時莆猶未爲縣人不知儒學公與其追莊公淑公自福之永泰徙莆結廬於墓側卜居南山之勝構書堂以修儒業後因夢捨書堂爲永豐庵又捨所居爲金仙庵別架小書堂以居自露公倡學後莆人始興學校世稱號爲南湖三先生按鄭氏家譜露公爲隋太府卿莊公爲中郎將淑公爲別駕今公子孫繁衍科第蟬聯不及備載

文規公傳

公諱元禮字文規幼璘公之曾孫述祖公之子也世爲著姓少好學愛文藻有名望文襄引爲館客歷兼中書舍人南主客郎中太尉咨議參軍長廣樂陵二郡太守侍詔文林太子舍人崔昂後妻公之姊也魏收又昂之妹夫昂持公數篇詩示盧思道乃曰看元禮比來詩詠亦當不減魏收思道答曰未覺元禮賢于魏收且知妹夫疎於婦弟齊亡公入周大象中卒于始州別駕

天

天

天

天

天

天

天

世翼公傳

世翼公祖敬德周儀同大將軍父機司武中士公弱冠有盛名世爲滎陽著姓唐武德中歷萬年丞揚州錄事參軍數以言詞忤物稱爲輕視時崔信明自謂文章獨步多所凌轢公遇之江中謂之曰嘗聞楓落吳江冷信明欣然示百餘篇公覽之未終曰所見不如所聞投之于江信明不能對

皇正一五十二年

皇正一五十二年 皇正一五十二年

皇正一五十二年

皇正一五十二年

皇正一五十二年

文明公傳

公諱綱字文明餘慶從父行也幼有奇志善屬文所父史皆天下有名士擢進士宏辭高第張延賞帥劍南奏署掌書記入爲起居郎翰林學士累遷中書舍人德宗自興元還置六軍統軍視六尙書以處功臣除制用白麻付外又廢宣威軍益左右神策以監軍爲中尉竇文場恃功陰諷宰相進擬如統軍比公當作制奏言天子封建或用宰相以白麻署制付中書門下今以命特中尉不識陛下特以寵文場邪遂著爲令也帝悟謂文場曰武德貞觀時中人止內侍諸衛將軍同正賜緋者無幾自魚朝恩

以來無復舊制朕今用爾不謂私若麻制宣告天下謂爾脅我
爲之文場叩頭謝更命中書作詔并罷統軍用麻矣明日帝見
公曰宰相不能拒中人得卿言乃悟順宗病不得語王叔文與
牛美人用事權震中外憚廣陵王雄睿欲危之帝詔公草立太
子詔公不請輒書曰立嫡以長跪白之帝領乃定憲宗卽位拜
中書侍郎同中書門下平章事遷門下侍郎始廬從史陰與王
承宗連和有詔歸潞從史辭潞乏糧請留軍山東李吉甫密譖
公漏言於從史帝怒坐浴堂殿召學士李絳語其故且曰若何
而處絳曰誠如是罪當族然誰以聞陛下者曰吉甫爲我言絳

曰公任宰相識名節不當如犬豕梟獍與姦臣外通恐吉甫勢
軋內忌造爲醜辭以怒陛下帝良久曰幾誤我先是杜黃裳方
爲帝夷削節度疆王室建議裁可不關決于公公常默然居位
四年罷爲太子賓客久乃檢校禮部尙書出爲嶺南節度使後
累遷河中節度入爲御史大夫檢校尙書左僕射兼太子少保
文宗太和中年老乞骸骨以太子太傅致仕卒年七十八贈司
空諡曰宣綱本以儒術進守道寡欲所居不爲烜赫事以篤實
稱善名理學世以耆德推之孫顥尙萬壽公主

Blank manuscript page with vertical columns.

元伯公傳

公諱珣瑜少孤值天寶亂退耕陸渾山養母至大厯中以諷諫
主文科高第授大理評事出爲涇原帥府判官入拜侍御史刑
部員外郎以母憂解喪訖遷吏部出爲河南尹性嚴重少言未
嘗以私託人而人亦不敢謁以私清靜惠下賤歛貴發以便民
時韓全義將兵伐蔡河南主餽運百姓不知僦運勞凡迎送敕
使皆有常處全義與監軍別檄有所取非詔約者公輒挂壁不
酬至軍罷凡數百封有諫者曰軍須期會爲急公可不報公曰
武士統戎多恃以取求苟以爲罪尹宜坐之終不爲萬人產診

也故下無怨讟特謂治河南比張延賞而重厚壁正過之復召
進門下侍郎同中書門下平章事順宗立復遷吏部尙書王叔
文爲翰林韋執誼爲相叔文一日見執誼直吏白方宰相會食
百官無見者執誼起就閣與叔文語公與杜佑高郢轅饗以待
頃之吏白二公同飯矣公喟曰吾可復居此乎命左右取馬歸
卧家不出七日疾數月卒年六十八贈尙書左僕射太常博士
復諡立獻子三覃朗潛

居業公傳

公諱餘慶字居業三世皆顯宦餘慶少善屬文擢進士第嚴震帥山南西道奏置幕府貞元初還朝擢庫部郎中爲翰林學士以工部侍郎知吏部選浮屠法湊以罪爲民訢闕下詔御史中丞宇文邈刑部侍郎張彧大理卿鄭雲逵爲三司與功德判官諸葛述參按述故吏也餘慶劾述猥賤不宜與三司雜治時韙其言貞元十四年拜中書侍郎同中書門下平章事每奏對多傳經義素善度支使于頔比所陳所左右之頔坐事貶又歲旱饑朝廷議賑禁衛十軍爲中書吏漏言纍二忤故貶郴州司馬

順宗以尙書左丞召會憲宗立即其官復拜同中書門下平章
事時主書滑渙與宦人劉光琦相倚爲姦每宰相議爲光琦沮
變者令渙往請必得由是四方貲餉奔委之弟泳至官刺史杜
佑鄭綯執政頗姑息而佑常行輩待不名也至公議事渙傲然
指畫諸宰相前公叱去未幾罷爲太子賓客後渙以贓敗常寢
聞叱去事善之改國子祭酒累遷吏部尙書醫士崔環者自淮
南小將除黃州司馬公執奏諸道散將無功受五品正員開徼
幸路不可權者不悅改太子少傅兼判太常卿事自朱泚亂都
輦數驚太常肄樂禁用鼓公以時久平奏復舊制出爲山南西

道節度使入拜太子少師請老不許時數赦官多汎階又帝親郊陪祀者授三品五品不計考使府實吏以軍功借賜朱紫率十八近臣謝郎官出使多所賜與每朝會朱紫滿廷而少衣綠者品服大濫人不以爲貴帝亦惡之始詔公條奏懲革遷尙書左僕射僕射比非其人及公以宿德進公論詔然歸重帝患典制不倫謂公淹該前載乃詔爲詳定使俾參裁訂正公引韓愈李程爲副崔鄴陳佩楊嗣復庾敬休爲判官凡損增儀矩號稱詳衷俄拜鳳翔尹節度鳳翔復爲太子少師封滎陽郡公兼判國子祭酒事建言兵興以來學校廢諸生離散今天下承平臣

愿率文吏月俸百取一以資完葺詔可穆宗立加檢校司度卒
年七十三贈太保諡曰貞帝以其貧特給一月俸料爲贈襚公
少砥礪行已完潔仕四朝其祿悉賙所親或濟人急而自奉麤
狹至官府乃開肆廣大常語人曰祿不及親友而侈僕妾者吾
鄙之大抵中外婚嫁其禮獻皆親閱之後生內謁必引見諳諳
教以經義務成就儒學自至德後方鎮除拜必遣內使持幢節
就第至則多饋金帛且以媚天子惟恐不厚故一使者納至數
百萬緡憲宗每命公必誠使曰是家貧不可妄求取議者或詆
其沽激公不屑也奏議類用古語如仰給縣官馬萬蹄有司不

曉何等語人訾其不適時與從父綱字文明家昭國坊第在南
餘慶第在北世謂南鄭相北鄭相云

真
日
大
系
六
言

卷
一

三
書
若
古
字

覃公傳

覃公以父蔭補弘文校書郎擢累諫議大夫憲宗取五中官爲
和糴使公奏罷之穆宗立不卹國事數荒昵吐蕃方強公與崔
鄴等廷對曰陛下新卽位宜側身勤政而內耽宴嬉外盤游畋
今吐蕃在邊狙候中國假令緩急臣下乃不知陛下所在不敗
事乎夫金繒所出固民膏血可使倡優無功濫被賜與願節用
之以所餘備邊毋令有司重取百姓天下之幸也帝不懌顧宰
相蕭俛曰是皆何俛人曰諫官也帝意解乃曰朕之闕下能盡
規忠也因詔公曰閣中殊不款款後有爲我言者當見卿廷英

集上 系年記 卷二
時閣中奏久廢至是士相慶王承元徙鄭滑節度使鎮人固留
不出承元請以重臣勞安其軍詔公爲宣諭使起居舍人王璠
副之始鎮人慢甚及公傳語開勗大義軍遂安承元乃得去寶
歷初擢京兆尹文宗召爲翰林侍講學士進工部侍郎公於經
術詣深諄篤守正帝尤重之李宗閔牛僧孺知政以公與李德
裕厚忌其親近爲助力陽遷工部尙書罷侍講欲推遠之帝雅
向學頗思公復召爲侍講學士德裕旣相以爲御史大夫帝嘗
謂殷侑善言經其爲人鄭公比也宗閔猥曰二人誠通經然其
議論不足取德裕曰公侑之言它人不欲聞惟陛下宜聞之俄

德裕罷宗閔復用公繇戶部尙書下除祕書監宗閔得罪遷刑部尙書進尙書右僕射判國子祭酒李訓誅帝召公視詔禁中遂拜同中書門下平章事封滎陽郡公不喜文辭病進士浮誇建廢其科曰南北朝所以不治文采勝質厚也士惟用才何必文辭又言文人似佻薄帝曰純薄似賦性之異奚特進士耶且設是科二百年渠可易乃止帝嘗謂百司不可使一日弛惰因指香案爐曰此始華好用久則晦不治飾何由復新公曰救世之敝在先責實比皆不攝職事至慕王夷甫以不及爲斬此本于治平人人無事安逸致然帝曰要在謹法度而已進門下侍

郎弘文館大學士帝坐延英論詩工否公曰孔子所刪三百篇是已其非雅正者烏足爲天子道哉夫國風大小雅皆下刺上之變非上化下之爲故王者采詩以考風俗得失若陳後主隋煬帝特能詩之章解而不知王術故卒歸於亂章仲譏七願陛下不取也帝每言順宗事不詳實史臣韓愈豈當時屈人邪昔漢司馬遷與任安書辭多怨懟故武帝本紀多失實公曰武帝中年大發兵事邊生人耗瘁府庫殫竭遷所述非過言李石曰單所陳因武帝以諫欲陛下終究盛德帝曰誠然靡不有初鮮克有終公曰陛下樂觀書然要義不過一二陛下所道是矣宜

寢饋以之公既名儒故以宰相領祭酒請太學五經經置博士
祿廩比王府官再遷太子太師開成三年旱帝多出宮人李珣
入賀曰漢制八月選入晉武帝平吳多采擇仲昆所謂未見好
德者陛下以爲無益放之盛德也公又推贊曰晉以采擇之失
舉天下爲左衽宜陛下以爲殷鑑帝善其將美以病乞去位有
詔解太子太師詐五日一入中書商量政事俄罷爲尙書左僕
射武宗初李德裕復用欲援公共政固辭乃授司空致仕卒公
清正退約與人未嘗串狎位相國所居第不加飾內無妾媵女
孫適崔臯官裁九品衛佐帝重其不昏權家公之侍講每以厚

風俗黜朋比再三爲天子言故終爲相然疾惡多所不容世以爲太過憚之始公以經籍刊繆博士陋淺不能正建言願與鉅學鴻生共力讐刊準漢舊事鏤石大學示萬世法詔可公乃表周墀崔球張次宗孔溫業等是正其文刻于石子裔綽

裔綽公傳

裔綽峭立有父風以門廕進爲李德裕所知擢渭南尉直弘文館累遷諫議大夫宣宗初劉潼繇鄭州刺史授桂管觀察使公固爭潼被責未久不宜付廉察帝已遣使者頒詔追罷之遷給事中楊漢公爲荆南節度使坐貪查貶祕書監尋拜同州刺史公與鄭公輿封還制書帝自卽位諫臣規正無不納至是有爲漢公地者遂終不易會賜宴禁中天子擊毬至門下官謂二人曰近論漢公事類朋黨者公曰同州太宗興王地陛下爲人子孫當慎所付且漢公墨沒敗官奈何以重地私之帝變色翊日

貶商州刺史時猶衣綠因詔賜緋魚後由祕書監遷浙東觀察
使太子少保

子佐公傳

公諱亞字子佐元和十五年進士第又應賢良方書拔萃三中其科直言極諫制科吏部調選又以判拔萃數歲之間連中三科聰悟絕倫文章秀發李德裕爲翰林學士高其才及守浙西辟署幕府從事累屬家艱人多忌疾久之不調會昌初始入朝爲監察御史李回任中丞薦爲刑部郎中知雜事拜給事中德裕罷相出爲桂管觀察使坐吳湘獄不能直寃貶循州刺史死于官子畋爲賢宰相云

葉田大經宗譜

卷一

書林草堂

有融公傳

公諱朗字有融始辟柳公綽山南幕府入遷右拾遺開成中擢起居郎文宗與宰相議政適見朗執筆螭頭下謂曰向所論事亦記之乎朕將觀之公曰臣執筆所書者史也故事天子不觀史昔太宗欲觀之朱子奢曰史不隱善不諱惡自中主而下或飾非護失見之則史官無以自免且不敢直筆褚遂良亦稱史記天子言動雖非法必書庶幾自飾帝悅謂宰相曰公援故事不畀朕見起居注可謂善守職者然人君之爲善惡必記朕恐平日言之不協治體爲將來羞庶一見得以自改公遂上之累

遷諫議大夫爲侍講學士由華州刺史入拜御史中丞戶部侍郎爲鄂岳浙西觀察使進義武宣武二節度歷工部尙書判度支御史大夫復爲工部尙書同中書門下平章事中人李敬實排公騶道馳去公以聞宣宗詰敬實自言供奉官不避道帝曰傳我命則絕道行可也而私出不避宰相邪卽斥敬實右拾遺鄭言者故在幕府公以諫臣與輔相爭得失不論則廢職奏徙他官久之以疾自陳罷爲太子少師卒贈司空始公舉進士有相者言君當貴然不可以科第進俄而有司擢公第一旣又覆實被放相者賀曰安之已而果相

澣公傳

澣公初名涵避文宗故名改焉公進士累遷右補闕敢言無所諱憲宗謂餘慶曰涵卿令予而朕直臣也可更相賀遷起居舍人考功員外郎時刺史或迫吏下紀功愛涵請責觀察使以杜其欺餘慶爲僕射避除國博士史館修撰文宗立入翰林爲侍講學士帝使摘擷經史爲要錄愛其博而精試舉諸條摘問之隨卽酬析無留答因賜金紫服累進尙書左丞出爲山南西道節度使始餘慶在興元創學廬公嗣完之養生徒風化大行以戶部尙書召未拜卒年六十四贈尙書右僕射諡曰宣四子處

欽定四庫全書

卷一百一十五

明皇雜錄

誨從讜尤知名處誨字廷美文辭秀拔仕歷刑部侍郎浙東觀察宣武節度使卒先是李德裕次柳氏舊聞處誨謂未詳更撰明皇雜錄爲時盛傳

雲達公傳

公性果誕敢言大厯初舉進士客遊兩河以劃于朱泚七悅乃表爲節度掌書記檢校禮部員外郎仍以弟滔女妻之泚將入覲先令公入奏及泚至京以事怒公奏貶莫州參軍滔代兄泚職後請爲判官滔助田悅爲逆公勸之不從遂棄妻子馳歸長安帝嘉其來留以客省起拜諫議大夫奉大之難公奔赴行在李晟以爲行軍司馬戎畧多以咨之厯官秘書少監

真田大系

卷

三

書

正求公傳

公諱從讜字正求澣公子及進士第補校書郎遷左補闕令狐
縑魏扶皆澣門生數進譽出爲嶺南節度使先是林邑蠻內侵
公募土豪使相捍禦交廣宴然僖宗立召擢同中書門下平章
事沙沱都護李國昌間邊多虞入據振武雲朔等州乃拜公司
徒以宰相秩復爲河東節度使兼招討使詔自擇參佐皆一時
選用名士由公陞調京師士人比太原爲小朝廷言得才多也
蓋公之智畧過人其搗黃巢平虜賊皆類如此也公進止有禮
法性不矜滿沈毅有謀時從姪畋以宰相鎮鳳翔移檄討賊兩

人以忠義相提衡賊尤憚之號二鄭云後以太傅太子太保還
第卒諡文忠

台文公傳

公諱暉幼年卽舉進士有司上第籍武宗索所試自省乃可奏
爲宣武推官以書判拔萃擢渭南尉父喪免宣宗時白敏中令
狐綯繼當國公不調幾十年外更帥鎮幕府綯去位始爲虞部
員外郎右丞鄭薰誣公罪不可任郎官出之劉瞻爲相薦授戶
部郎中入翰林爲學士俄知制誥會討徐州賊龐勛書詔紛委
公思不淹晷成文粲然無不切機要當時推之勛平瞻以諫迂
懿宗賜罷公草制貶梧州刺史僖宗立徙彬絳二州以右散騎
常侍召上故事兩省轉對延英獨常侍不與公建言宜備顧問

詔可後遷門下侍郎封滎陽郡侯以星變求去位不許乾符六年黃巢勢寢盛據安南騰書求天平節度使帝令羣臣議咸請假節以紓難公欲因投嶺南節度使而盧攜方倚高駢使立功乃曰駢才畧無雙淮南天下勁兵又諸道之師方至蕞爾賊奈何捨之令四方解體邪公曰不然巢之亂本于饑其衆以利合故能興江淮根蔓天下國家久平士忘戰所在閉壘不敢出如以恩釋罪使及歲豐其下思歸眾一離巢卽机上肉耳法謂不戰而屈人共也今不伐不謀而怖以兵恐天下憂未艾也會駢奏南蠻方強請如西戎以公主下嫁携又議從之公以爲損國

威靈不可卽抗論至相詬嫚携怒拂衣去裾蟻于硯因抵之帝
以大臣爭口語無以示百官乃罷明年爲鳳翔隴西節度使募
銳兵五百號疾雷將會巢陷東都遣兵戍京師以家財勞行妻
自緹戎衣給戰士帝出梁公上謁斜谷泣曰將相悞國臣請死
以懲無狀帝勞遣之曰畋謹扼賊衝無令得西向公曰方艱虞
時事有機急不可中覆請便宜行事臣當以死報國帝曰利社
稷無不可公還蒐士卒繕器械濬城隍公召監軍袁敬宗以逆
順曉諸將乃聽命刺血以盟公遣子凝績從帝賊將又至公斬
千軍餘黨數百人皆捕誅之以前靈武節度使唐弘夫爲行軍

司馬中和元年賊將王璠率眾三萬來攻公使弘夫設伏以待璠內輕公懦柔不測眾寡陣未整伏發日暮軍四合鏖戰龍尾坡殺賊二萬級積尸數十里多獲鎧仗璠遁去擒其子斬之威動京師時諸鎮兵在寰內尙數萬無所歸公招來之厚加慰給巢大懼不敢西謀當此時微公天子幾殆帝聞捷曰朕知敗不盡儒者之勇乃爾賜御袍犀帶拜而不賀公辭疾詔授太子少傅分司東都便醫於興元明年召至行在復拜公司空門下中書平章事軍務一以咨決興州戍將孫鄴坐賊抵死公奏言方關輔失守鄴護裒斜有功請免死時田令孜恃權有所干請公

不應令孜與陳敬瑄李昌言三人相結遣客上公過咎帝得其情不許公乃引疾去位入見帝曰乘輿東還繇大散關幸鳳翔供張頓峙一委昌言乃可安臣若以宰相從彼且猜阻非所以靖反側也請以散官養疾或羣臣有疑願出臣章示之使知天子臣無纖芥者帝以其誠乃授檢校司徒太子太保罷政事卒年六十三子凝績數歲亦卒贈太尉後帝思公忠力又贈太傅及公還葬鄭表爲請諡曰文昭天復初配饗僖宗廟廷

漢上乃系分論

卷二

照書帶草堂

[The main body of the page contains multiple vertical columns of text, which are mostly illegible due to fading and the quality of the scan. The text appears to be organized into columns, typical of traditional Chinese book layout.]

蘊武公傳

公諱繁字蘊武及進士第善詩語多俳諧故落調世傳鄭五歇
後體大順後王政微公每詩謠託諷有誦之上前者昭宗謂其
有蘊未盡適有司上班薄卽署則側曰可禮部侍郎同中書門
下平章事省史以聞公笑曰諸君誤矣人盡不識字宰相亦不
及我俄制詔下歎曰萬一然笑殺天下人旣視事宗戚詣慶公
搔首曰歇後鄭五作宰相天下事可知矣立朝侃然無復故態
才三月卽以疾乞罷公初爲廬州刺史黃巢掠淮南公移檄請
無犯州境巢讀檄笑爲之歛兵州獨完僖宗嘉之賜緋魚歲滿

去贏錢千緡藏州庫後他盜至終不犯鄭使君錢及楊密爲刺
史送錢至京還公

興裔公傳

公諱興裔字光錫初名興宗顯肅皇后外家三世孫也曾祖紳封樂平郡王祖翼之陸海軍節度使父蕃和州防禦使公早孤叔父藻以子字之分以餘貲公不受請立義莊贍宗族及藻沒遂解官致追報之義初以后恩授成忠郎充幹辦祇候庫聖獻后莊充攢宮內外巡檢累至江東路鈐轄乾道初建康留司請治行宮備巡幸公奏勞人費財乞罷其役且言都統及馬軍帥皆非其人徙福建路兵馬鈐轄過闕入見詢以守令臧否公條析以對帝曰卿識時務習吏事行當用卿會復置武臣提刑就

命爲之加遙領高州刺史郡縣積玩檢驗法廢公筴爲格目分
卑屬縣吏不得行其姦因著爲令建劍汀邵鹽叛屢更漕臣請
易綱運爲鈔法公極言其不可海寇倏去忽來調兵常無及公
請置澳長寇徑至率民兵禦之又言禁兵事藝不精多充多役
乞行禁止尉以捕盜改秩多僞當加審實帝善其數論事詔加
成州團練使時傳聞金欲敗盟召公爲賀生辰使以覘之還言
無他卒如所料累差浙東浙西江東提刑請祠以歸尋詔知閤
門事兼幹辦皇城司又兼樞密副都承旨軍婦楊殺鄰舍兒取
其臂釧而棄其屍獄成刑部以無證左出之命公覆治得實帝

喜賜居第丁母憂去官服闋復故職除均州防禦使再使金還
遷潭州觀察使復請祠起知廬州移知揚州揚與廬爲鄰初公
在廬嘗卻鄰道互送禮至是按郡籍見前所卻者有出無歸遂
奏嚴其禁揚有重屯糧乏例糴他境公搜括滲漏以補之食遂
足民舊皆茅舍易焚公貸之錢命易以瓦自是火患乃息又奏
免其償民甚德之修學宮立義塚定部轄民兵升差法郡以大
治楚州議改築城有謂韓世忠遺基不可易者命公往視既至
闕地丈餘增築之帝閱奏喜曰興裔不吾欺也紹興元年遷保
靜軍承宣使召領內祠充明堂大禮都大主管大內公事甯宗

卽位除知明州兼沿海制置使告老授武泰軍節度使卒年七十四贈太尉諡忠肅公歷仕四朝以材名結主知中興外族之賢未有其比子三人挺以橫行團練使歷淮襄兩道帥捐登進士甲科與抗皆有位于朝

公明公傳

公諱向字公明舉進士中甲科爲大理評事通判蔡州累遷尙書屯田員外郎知濠州徙葵州召試集賢院未幾除三司戶部判官修起居注遷度支員外郎爲鹽鐵判官出爲兩浙轉運副使疏潤州蘇山漕河抵于江人以為便復爲監鍊判官擢知制誥同勾當三班院使契丹再遷兵部郎中提點諸司庫務以龍圖閣直學士知杭州卒五代亂亡史冊多漏失向著開皇紀三十卷摭拾遺事頗有補焉

士龍公傳

公諱驤字士龍河南人登進士第更慶汝鄭秦州推官改秘書
省著作郎知垣曲縣康繼英辟僉書衛州判官事劉從德代繼
英又表公有善狀進一官尋監左藏庫遷太常博士知乾州提
點益州路刑獄爲三司度支判官建言蜀人引江水溉田率有
禁歲旱利不均宜弛其禁又言京西旱舊禁粟無出國門可且
勿禁慶厯中與魚以詢刺陝西民兵十餘萬除陝西轉運按察
使入爲度支副使河決德州入王紀口議欲徙州詔公往視之
還言州不當徙已而州果無患又爲河北轉運使王則反討平

之除天章閣待制知鳳翔府累遷尙書工部郎中以疾知華州
卒

鄭皇后傳

皇后父紳始爲直省官以后貴累封太師樂平郡王后本欽聖殿押班徽宗爲端王時每日朝慈德宮欽聖命鄭王二押班供侍及卽位遂以二人賜之后自入宮好觀書章奏能自製帝愛其才崇甯初封賢妃遷貴妃有異寵徽宗多賚以詞章天下歌之王皇后崩政和元年立爲皇后將受冊有司創製冠服后言國用未足冠珠費多請命工改製妃時舊冠又乞罷黃麾仗小駕鹵簿等儀從之恩澤皆弗陳請時族子居中在樞府后奏外戚不當預國政必欲用之且令充妃職帝爲罷居中許御史奏

劾后性端謹善順承帝意劉貴妃薨帝思之不已將追冊爲后
后卽奏妃乃其養子乞別議褒崇之禮帝大喜欽宗受禪尊爲
太上皇后遷居甯德宮稱甯德太后從上皇幸南京金師退先
歸時用事者言上皇將復辟於鎮江人情危駭或謂后将由端
門直入禁中內侍輩頗勸欽宗嚴備帝不從出郊迎后於是兩
宮歡甚洽上皇聞之卽罷如洛之議汴京破從上皇幸青城北
遷留五年崩于五國城年五十二紹興七年何蘇等使還始知
上皇及后崩高宗大慟詔立重成服諡顯肅后親族各遷官有
差祔主徽宗室以聞哀日爲大忌梓宮歸入境承之以槨納輦

衣其中與徽宗合攢于會稽永佑陵先是后至金營訴于粘罕
曰妾得罪當行但妾家屬不預朝政乞留不遣粘罕許之故紳
得歸后既行紳亦以是年薨諡僖靖家屬流寓江南高宗憐之
詔所在尋訪賜官司鄭藻者后近屬也紹興中帶御器械用后
祔廟恩拜隴州防禦使凡四使金厯官至保信軍節度使加太
尉卒追封榮國公諡端靖

文正公傳

公諱居中字達夫登進士第崇寧中爲都官禮部員外郎起居舍人至中書舍人直學士院初公與貴妃族兄弟由是連進擢會妃父紳客祝安中者上書涉謗訕言者并及公罷知和州徙穎州明年歸故官遷給事中翰林學士大觀元年同知樞密院改資政殿學士中太一宮使兼侍讀其有都水使者趙霖得龜兩首于黃河獻以爲瑞京曰此齊少白所謂象罔見之而霸者也公曰首豈宜有二人皆駭異而京獨主之殆不可測帝命棄之金明池謂居中愛我遂進知樞密院事妃正位中宮以親嫌

罷爲觀文殿學士政和中再知樞密事官累特進時京總治三省益變亂法度公每爲帝言帝亦惡京專尋拜公少保太宰使伺察之公存紀綱守格令抑僥倖振淹滯士論翕然望治丁母憂旋詔起復踰年加少傅得請終喪服除以威武軍節度使使佑神觀還領樞密院加少師連封崇宿燕三國公朝廷遣使與金約夾攻契丹復燕雲蔡京童貫主之公力陳不可謂京曰公爲大臣國之元老不能守兩國盟約輒造事端誠非妙算京曰上厭歲幣五十萬故爾公曰公獨不思漢世和戎用兵之費乎使百萬生靈肝腦塗地公實爲之由是議稍寢其後金人數攻

契丹日蹙王黼童貫復議舉兵公又言不宜幸災而動待其自
斃可也不聽燕山平進位太保自鄭無力不拜入朝暴遇疾歸
舍數日卒年六十五贈太師華原郡王謚文正帝親表其隧曰
政和寅亮醇儒宰臣文正鄭公之墓公始仕蔡京卽薦其有廊
廟器旣不合遂因蔡涓理其父確功狀追治王珪居中珪壻也
故借是撼之然卒不能害子修年億年皆至侍從億年遭靖康
之難没入于金後遣事劉豫晚得歸南修年累官至資政殿學
士會秦檜以婦氏族親修年外祖王珪故檜死亦竄死撫州時
論寃之

[The main body of the page contains multiple vertical columns of text, which are mostly illegible due to fading and the quality of the scan. The text is arranged in a traditional vertical format, typical of classical Chinese books.]

寶臣公傳

公諱伯玉字寶臣其先滎陽遠祖昭由滎陽遷福之莆田露公
十二世孫也公八歲時叔父殿中丞試之曰伐木斧聲聞谷口
公隨答曰遇橋旗影映波心于是叔父奇之景祐元年第進士
將仕郎試秘書省校書郎淮南節度掌書記七年改大理司直
撫兗州觀察推官韓魏公薦爲殿中侍御史爲人峭直不屈權
貴好爲詩所作有三百餘篇名曰錦囊集時人以與陳著作琪
方提舉孝寧詩類爲一集號曰烏山三賢

漁仲公傳

公諱樵字漁仲其先遠祖露公由滎陽徙居浙之莆田公好著書不爲文章自負不下劉向楊雄居爽滌山謝絕人事久之乃遊名山大川搜奇訪古遇藏書家必借留讀盡乃去趙鼎張浚而下皆器之初爲禮樂文字天文地理蟲魚草木方書之學皆有論辨紹興十九年上之詔藏秘府公歸益厲所學從者二百餘人以侍講王綸賀允中薦得名對因言班固以來歷代爲史之非帝曰聞卿名久矣敷陳古學自成一家何相見之晚耶授右廸功卽禮兵部架閣以御史葉義問劾之改監潭州南嶽廟

給禮歸抄所著通志書成入爲樞密院編修官尋兼攝檢詳諸房文字請修金正隆官制比附中國秩序因求入秘書省繙閱書籍未幾又坐言者寢其事金人之犯邊公力言歲星分在宋金主將自斃後果然高宗幸建康命以通志進會病卒年五十九公好爲考證倫類之學成書雖多大抵博學而寡要平生甘枯淡樂施與獨切切於仕進識者以是少之同郡林霆字時隱擢政和進士第博學深象數與公爲金石交林光朝師事之聚書數千卷皆自校謂子孫曰吾爲汝曹獲良彥矣紹興中爲敕令所剛定官力詆秦檜和議之非卽掛冠去當世高之學者稱

夾漈先生

邵氏六流三譜

卷一

漁仲公傳

卷一

書

興田大統守部

卷二

書卷三

輿梁公傳

公諱濟字輿梁露公十四世孫也未冠遊太學文藝穎雋拔元豐間進士調潮州司理就移端溪令秩滿知山陽縣入爲太學博士禮文一新大觀初擢兵部員外郎逾年權吏部有選人應改官吏舞文沮格不行公奏請特與改秩以莅事詳明書考上等中丞石豫蔡京客也欲薦之臺職公力却之居郎官不還者四年政和初除衛尉少卿三年出知海州境接陳宿盜賊滿數公推行保伍之法道無拾遺召赴闕除提點荆湖南路刑獄陞辭徽宗曰湖湘多盜賊卿以何道處之公以元豐保伍爲對上

曰神考此法正爲盜賊設也卿其勉之公至湖湘力推行之盜賊屏息受代詣闕上慰勞甚厚除知泉州尋得祠請致仕

德珪公傳

公之上祖由滎陽徙居浙之浦江世稱義門鄭氏綺公四世孫也公與弟德璋公孝友天生晝則聯几夜則同衾德璋與物多迕仇家陷以死罪當會逮揚州公哀弟之見誣乃陽謂曰彼欲害吾何預爾事我往卽姦狀白卽治行德璋追至諸暨道中兄弟相持頓足哭爭欲就死公于是應以無往夜半間道逸去德璋復追至廣陵公已斃于獄德璋慟絕再四負骨歸葬廬墓每一悲號烏鳥皆翔集不食

紹卿公傳

公諱文嗣字紹卿十世同居凡二百四十餘年一錢尺帛不敢私元至正間表其門公歿從弟太和公繼主家事益嚴而有恩家庭中凜然如公府歲時太和公坐堂上羣從子皆衣冠雁行立左序下以次拜跪捧觴上壽畢肅容拱手自右趨出足武相銜無敢參差見者仰慕謂之三代遺風狀聞復其家部使學士余奈闕爲書東浙第一家

鹽田州統志

卷一

書

子上公傳

公諱可舉字子上其先滎陽恩叟公諱露十七世孫也遠祖昭嘗過江入閩泉之莆田愛其風土因遷祖墳於南山莊遂世爲莆田人公少孤貧由鄉薦兩浙漕試再貢禮部皆不利道武夷見朱文公從學自以稟性下急於懲忿工夫久之最稱得文公精要文公守臨漳實禮可學教其子弟晚年刪定大學一編曰此書欲付得人惟子上足以當之前後士奉爲大對嘉定四年始授忠州文學所著有春秋博議

六
六
六

蓉湖始祖東盛公傳

公諱文翰字東盛候選訓導邑增生耀庭公之孫邑庠生雅三公之子也嘉靖間厯官至左參政性嚴毅剛直不避權倖彈劾無私十八年攝官承乏必鞠躬盡瘁無曠厥職而後已時楊爵劉魁朝廷之骨鯁臣也與君最相得花朝月下把酒言歡輒終宵不倦時人稱爲莫逆交後二人以直諫下獄公累涕泣上書乞賜解免而帝聽權奸詭計終不見允遂慨然曰當今之世嚴嵩網利崔元攬權正所謂讒人高張賢士無名之際也我何屑如脂如韋而與世共浮沉乎卽退休不仕放浪形體行吟澤畔

忽有見夫桑麻遍野花柳成蹊風俗敦龐人情古樸公始不識
其名詢諸居人則曰此蓉湖楊家圩也遂制田卜宅率其妻子
而家焉然公之身雖溷蹟田園公之心猶營情黎庶穆宗初頻
遭旱澇公心存賑濟每傾筐倒篋而不惜豈公之弋譽沽名乎
實公之輕財好義耳年九十五而終

隆慶五年桂月吉日文淵閣大學士殷士儋拜撰

友愛傳

三世祖納軒府君諱文傑字汝英有兄文俊府君字與號俱逸
二世祖學正府君子也二人友愛實踰常情當國初軍伍未充
有司毛舉人過以實之文俊府君坐躡紵履行道上市當坐遣
滇中納軒府君情不忍割涕泣維持相從萬里行途半文俊府
君喟然歎曰吾無子弟有子吾名一掛軍籍累弟子孫世世矣
吾何忍抵夜密自縊府君痛不欲生得所解戍者慰喻乃囊骸
骨而反入一肆中主人持飯三器至駭曰適三人入而今止二
何怪也納軒府君悟而號曰茲非吾兄之靈依我而旋乎於是

每食必三器抵家喪葬如禮命子孫世世奉祀迄今弗絕邦彥
曰自常棣風衰角弓俗侈競錙銖而分爾我甚至相戕相賊恬
不爲異尺布斗粟之謠可勝誦哉嗟嗟萬里間關孰迫之行一
暝長決孰迫之經爲弟者不忍其兄爲兄者不忍其弟之子孫
此其存心何如也古有遇難而兄弟爭死者輝輝史籍詫爲千
古絕德此奚讓焉惜乎湮沒不稱也吾家數傳來以友于著彥
猶及見吾祖中憲大夫南溟府君事兄如父吾父繼溟府君益
篤手足之誼而邑中稱能兄者矢口不置其二府君之作法哉
彥懼事久而泯故筆之以爲後人家法云 七世孫邦彥謹述

鄭古愚先生傳

先生與先君子交最久不佞因以知先生之爲人蓋粹然純行君子也先生少失怙爲伯父澹翁先生後事嗣母及本生母俱盡孝撫幼弟以愛性敏慧幼而好學干書無所不窺長而砥行勵節慎取與寡言笑與人以誠處己以莊其敦厚質直謙和坦易不佞猶及見焉家貧課徒督責教條嚴而有法先品行而後文藝其所以裨躬者在是卽其所以教人者在是然先生才豐而遇齎學優而時蹇歌泮水也逾三十矣試棘闈也九不售矣一生力學潛修年未七十而卒天之報施善人而果不爽其

潛德幽光之積而未發者不佞謂不得於其身必得於其子孫
先生之子孫自必有紆青拖紫以昌大門閭者先生其可無憾
先生之嗣鐫積學能文立身勵行一如先生之所以教先生可
謂有子矣今春鐫以家乘既成乞不佞爲先生立傳以圖不朽
距先生之沒將十年而先生之品誼文章猶如在目前也不佞
雖不文重其請不敢辭爰畧道其生平以爲之傳亦管窺蠡測
乎先生而已

鄒植行撰

木齋公傳

歲辛丑玉圻鄭子傅選震寰兄弟同受知於學憲鄭魚門先生人皆艷爲盛事以通家世好來謁余出其尊人木齋公行狀屬余立傳益知其家學淵源有自來也公諱國藩字廷襄號木齋先世自毘陵僑居玉圻因占籍焉性聰敏讀書過目成誦尤工舉子業父叔和公以大器期之數奇不售揣摩益力謂吾必有以愜大人望也無何母顧孺人卒哀毀踰禮當是時叔和公年已踰甲公先意承志朝夕侍養叔和公雖老而喪偶幾忘寂寞之况焉越年叔和公亦卒公哀毀一如喪顧孺人時怙恃俱失

終天抱恨公自此亦摧撞息機無意於當世矣公居鄉一本孝弟忠信里中有不決事咸質于公公曲爲排解族黨嚴重之生平尤以課子讀書爲第一義敦請名師糾舉文會家產不踰中人而束修及會饌之費無些省雖以是業日落弗顧也已而傳選震寰兄弟果同受知於學憲鄭魚門先生先生固當世所號爲名卿鉅儒冰鑑無雙者也傳選震寰幸皆出其門下公亦何憾矣哉公以康熙乙酉年卒壽僅五十傳選震寰遊庠時公已不及見矣然公之賚志雖不於其身而於其子於此見天之報施信而有徵而傳選震寰所以刻勵功苦善繼親志者亦不可

及云公娶劉氏繼娶繆氏徐氏子五人傳選名霖震寰名夢明俱邑諸生霽雲雯咸有文名

贊曰近覽邑中世家爭逐錐刀之利率以讀書爲不急則士之子恒爲士義何居焉以視公之破產教子克底有成詎非異於尋常者歟語曰遺子黃金滿籬不如一經余於鄭氏見之矣

通家眷弟秦源寬頓首拜撰

此ノ系分記ノ中ニテハ
凡ソノ系分記ノ中ニテハ
凡ソノ系分記ノ中ニテハ
凡ソノ系分記ノ中ニテハ

鄭震傳 弟需附

鄭君震者無錫西里人也性伉直與弟需俱以豪氣聞於鄉父
嘉猷沒家無擔石然致客嘗傾邑中事母蔣不使知缺乏既而
與弟益食貧乾隆五十年亢旱大吏議濬吳淞泖河役夫數十
萬人分派郡縣鄉都君爲鄉長憫同甲苦役卽挺身爲支持里
賴以安旣而與弟逐什一之利遂致富嘉慶丁卯又苦旱君與
弟倡鄉里富人捐米錢給貧乏全活數百人及甲戌又大旱時
弟已歿而君益慨奮施粥米及錢按日資給者數千人共費錢
五千餘兩嘗謂人曰難忍莫如飢余非市惠也然竟以是得咯

血病年五十九卒先是君母蔣沒時家尙貧旣君食必雜以粗糲示不忘母也又張氏妹家貧嘗挈屬依兄居後分產千金張氏妹亦以富

贊曰余居蠡濱與君接壤也故知君最悉乙亥余入都君嘗飲余然不足爲君異者知君之善用財固不以爲交遊結納之資也旣而余再歸君已沒矣然閭里咸思之以爲富而好行其德未有如鄭君者也不謂誠不以富者耶

世愚弟龔鏜拜撰

盈臣武臣世英合傳

盈臣武臣世英三公者世居蓉溪業畊讀家殷實而忠厚之名尤表於里閭間三公嘗聚首而語曰吾輩不能立大名建大功爲家國光亦當敬宗祖尙敦睦爲子孫計我族徙居此地已十數世矣族姓日繁家祠未建春露秋霜莫安先靈我三人不得辭其咎於是解囊捐資相土卜吉鳩工庀材經之營之其在詩曰作廟翼翼此物此志也歲餘告竣序昭穆以孝以享人咸嘖嘖稱三公之力不置越數載歲丁酉三公又惶惶若有難色識者問之曰噫憶萬年俎豆馨香於祠弗替千百世水源木本非

盈臣武臣世英合傳

譜不綿我等築祠而不修譜則尊祖敬宗而未能收族矣於是
又不憚勤勞遍告同族搜遠支聯近派縷晰條分彙集成稿以
付剞劂凡局中經費總不與通族較長短而通族人咸踴躍樂
從與建祠並感其德此往事也嘉慶癸酉歲鄭氏重輯家乘其
族孫安愚索余爲三公傳余曰惟傳不可假有功者傳有名者
傳無名而有功者功傳無功而有名者名傳三公爲有功者耶
爲有名者耶安愚述三公建祠修譜如此余曰是可謂有功於
宗祖族姓者吾卽據實而作合傳云

時

嘉慶歲次癸酉四月望日姻家愚弟邑庠生王丹岩拜撰

鄧氏大統宗譜

卷二

盈臣武臣世英合傳

宗譜書堂

寶田州統宗譜

卷一

系

書林草堂

節婦馬氏傳

氏生於農家十七歲來歸吾族事翁姑與夫無不合禮家貧紡績營生終不出一怨言年二十有九夫亡子三人長天德次天位幼物寶物寶遺腹生女一斯時也室如懸磬無以度日人皆勸其改嫁氏曰寧餓死不改節嗚呼氏雖未讀書詩而其天真之靜一操守之端嚴誠世所罕見其有功於風化豈淺鮮哉氏撫養二子俱娶妻成家女一適袁幼子出繼潘姓氏享壽八十有一卒與夫合葬於河界田祖塋至今子孫繁衍非氏之冰霜苦節烏能及此哉

愚

雖未及親見而鄉里傳聞有足徵者於是

謹傳其事云

昔

嘉慶歲次癸酉

仲春

族姪孫安愚拜述

蓉溪鄭節婦馮孺人傳

鄭節婦馮孺人茂祚公之妻也父邑庠生覺遠公諱鐸之庭訓最嚴故節婦幼卽嫻於女訓年十八歸茂祚事翁姑以順敬夫如賓年三十而寡所生三子長懿臣年八歲次文臣年五歲三盈臣年三歲遺腹女三月而生維時家貧如洗孤孩啼饑已難堪矣又不幸伯姆相繼亡孤姪女猶在襁褓節婦視之如已出煢煢孑立撫養孤嬰五人旦夕惟事機杼劬勞萬狀歷二十年誠莫擬其若何拮据若何卒瘞也迨子女長成婚嫁俱畢家業漸腴節婦乃弛於負擔日含飴弄孫天之報施真不爽矣哉乾

隆丙戌節婦身沐

皇恩詔賜粟帛丁酉年懿臣兄弟遵節婦遺命建宗祠修家乘
既竣郵書索傳予故據其實而書之至節婦生卒與葬譜祥載
焉茲不具

賜進士出身前吏部文選司員外郎出知甘肅慶陽改授浙江
嚴州府知府華雲鵬拜撰

蓉溪文臣公傳

公諱文臣字瑞章茂祚公之次子也少孤家貧賴母馮太孺人
矢節撫養稍長就塾學讀詩至蓼莪章歸泣謂母曰父恩莫報
母勞極矣與其攻書求達冀難必之榮孰如力穡謀生免現前
之苦遂輟學務農奉養殫勤定省夜寐夙興積十數年而家遂
少有娶室馮孺人操曰事姑與公協力而公母怡然旋母以年
老屢病公侍湯藥日夕不倦及病篤公慟甚絕而復甦者數次
送葬舉哀皆循禮節識者咸贊之平居事長撫幼無一不宗於
敬愛設里人有爭競力爲排解曉以情理卒使鄉隣有仁里風

至今稱爲謹厚人子二長朝崗次朝嶽女一適張氏公年七十
有二而終未聞有過舉招物議癸酉春公之孫安愚余硯友也
爲祖請傳余以蓉溪人恒道之熟於耳因謂君曰兄祖不必以
他事傳卽其內事母外待人已有當於孝與悌也因不揣鄙陋
而列其始終如右

嘉慶歲次癸酉仲春之吉邑庠生秀峯高鎮拜撰

鄭廷秀先生傳

先生之名著於鄉早矣先生之行傳於世久矣余雖不獲覩先生之品而聞先生之名與行卽不啻親見之先生品行端方黜浮華崇樸實其持己也恭其接物也恕而且天性純篤問安視膳盡志竭情友弟恭兄恩聯手足和順起於庭闈孝友播諸里黨先生妻正室一窻室二晚年得窻室子名鑄號硯香不數年先生辭世硯香甫五齡斯時失怙孤兒痛難保護而兩孺人姆訓素嫻撫摩情切趙孺人斷機立教張孺人操凜冰霜畫荻丸熊教養兼至洵不愧爲一代完人迄於今硯香業成名立毋墜

箕裘家聲丕振克光前烈皆先大人德之所致兩孺人庭訓之有方也余籍隸棠邑夙與硯香仁兄友善戊午秋余自京師奉命之任福建道經梁溪過訪硯香適值重正家乘硯香携所修宗譜囑余作傳余不敢辭謹承雅教畧述生平以遺奕禩之不忘云爾

賜進士出身翰林院庶吉士詹事府贊善記名御史

欽加道銜福建福甯府知府加三級年家眷姪徐薰頓首拜撰

鄭節婦朱孺人傳

臣不二其心爲忠婦不二其心爲節此固爲臣爲婦者所共知然非成於性嫻於教則知之而果能蹈之者蓋寡鄭節婦朱孺人勝文公之妻也生長名門女訓早習迨咏于歸事翁姑處妯娌莫不各盡其道不幸勝文公年二十四僅生一女卽謝世節婦痛甚欲以身殉宗族慰勸之曰汝夫亡尙無嗣倘不自惜身命從良人於地下則似續未定門庭無主其能瞑目乎節婦意悟含淚而謝曰敢不承命於是勤紡織課耕耘茹蘗含荼積數十年如一日脫非成於性嫻於教烏能不二其心若是也哉勝

文公兄弟三人長秀文幼瑞文瑞文亦無出故宗祧皆秀文後
兼承之節婦生於乾隆十三年九月二十七日卒於嘉慶九年
正月十一日年五十有七女一適凝席隆

論曰世皆節烈並稱而余謂烈固難節尤難以烈在一時節在
終身也當勝文公謝世時節婦而果身殉焉數十年之門庭其
誰持之嗚呼節婦可謂不辭難者矣

時

咸豐八年戊午秋九月望日

賜進士出身順天府治中姻愚姪蔣大鏞頓首拜撰

節母朱孺人詩

凜然獨守未亡身
矢志堅貞自絕倫
雪作精神梅作骨
心同松柏節同筠
謀生苦向機窻織
秉義常將女訓陳
正是柔嘉垂懿範
芳徽流播表清純

劉承本

堪憐雲鬢亂蓬鬆
井臼親操菽水供
惱向人前競粧飾
歲寒冰雪卽爲容

激烈由來見性真
懷清臺上證前身
半窻月色梅花綻
幽閣常關太古春

操持家計亦稱能
王質由他霜雪凌
孤雁鳴鴛思往事
當年苦

節母朱孺人詩

節正難勝

彤管揚休戚里光懷貞守節共聯芳
溫柔性格端莊度卜得門
庭日熾昌

胡榮瞻

二貞女傳

女而不字非常道也其在易曰女子貞不字十年乃字詩曰之
子于歸宜其家人禮曰十有五年而笄二十而嫁典籍所載歷
有明徵則夫女之不字大抵矯情立異之一端耳曷足多哉雖
然鄭氏二女之不字貞以全其孝者也貞以全其孝與矯情立
異者相去萬萬矣二女父諱瑞琳懷伯道之傷育四女長嫁時
色卽不豫二女感激遂各矢終養志父母欲字人姊妹相讓繼
乃踞而請曰丈夫願爲之有室女子願爲之有家父母之心固
然然吾親年邁吾姊妹出嫁則晨夕之間誰爲定者并曰之勞

誰爲操作吾親無依縱有玉樓金屋何忍舍此而就彼乃俱不
字仲季相依習鍼翫理杵杼雖縵屠時足不越外戶限此父母
甘旨滌滄悉從十指間出瞻依膝下瑞琳公竟忘其爲無子越
數年瑞琳公卒湯孺人不勝傷悼二貞女多方慰之背則飲泣
蓋恐增母氏痛也無何母又寢疾二貞女徧求醫藥昕夕調劑
十一年無懟色然竟不起喪葬盡禮一時觀者嘖嘖稱善母歿
後嗣弟僱於蘇頗有獲尋卒孀婦孤兒不能自立二貞女攝家
政處置內外悉有條理誠巾幗中之覽且能者不與北宮之女
先後爭光也哉由此觀之二貞女之不字非有心矯異實不匱

之孝思所迫而成又安得以非常道而少之今歲秋抄鄭氏續
修家乘二貞女已霜髻皤然一慶古稀一近花甲矣余友鄭藹
亭偕伊嗣姪謁余欲乞一言以示後余既嘉二貞女之難能可
貴又嘉藹亭之樂爲表揚也故不揣鄙陋而勉爲之傳

咸豐戊午仲冬月

秉衡楊鈞拜撰

月洲鄭君家傳

公姓鄭氏諱濟泰字月洲邑西徐城里人也九世祖宗魯公於明正德間自邑之廟前徙居徐城爲徐城中支始遷祖六傳至嘉猷公生三子長諱震字增爵次諱霈字增貴卽公之父也季諱霖早卒增爵公友愛甚篤每謂增貴公曰季弟殤無後汝他日生子其祀之弗替也已而公生幼機警有豪氣年十八喪父哀毀盡禮伯父老且多病逾數年遂不起子鶴庭尙幼是時已有沃產十餘頃矣公銳以一身任家事業隆隆起鶴庭年未三十卒遺孤二公撫之成立長姪旣授室未有子而次姪殤姪媳

意欲爲夫置媵公急懇愿之又爲弟室徐孺人請旌於

朝入節孝祠自增爵公歿後公治家數十年內外無間言初鄭氏中支無分祠增爵公兄弟欲爲之而未就也公營之於宅之東并置義莊增爵公遇旱捐貲千金邑長韓公於吾鄉南北設粥廠南廠錢氏董之北廠增爵公暨瞻之先父董之時嘉慶十九年也公承先志行之不怠歲癸未江南大水局捐外別輸米煮糜庚子至庚戌比年多水前後所捐復不下數千金所全活無算吾鄉崇祀張中丞七月間香火不絕公倡建廟於橫灣廟之西萬壽橋本吾本生祖所建日久漸圯公獨修築以木易石

水陸稱便他若一鄉中有便民者輒以身先以故有公事必舉公爲之董遠近有不平事得公一言平曲直無不心服者公體素強晚年居母吳太安人憂寢苦得脾疾至是增劇遂卒年六十有三配許安人善持家娣孀居多病安人亦不之諉也量寬宏遇下有恩里之老者貧者廢疾者無不哺也無不啜也公之豪舉得內助之力居多吳太安人歿時於喪次得三陰瘧遂成痼疾先公卒卒之日里中無少長皆流涕

論曰余與公爲世交少時吳麗川師館予家公就學焉後又同受業於劉茗圃師二師咸器之已而以家事廢讀非其志也然

余同門友中讀書未就而卒以讀書世其家者二人鄭君月洲
錢君佩之佩之延余課子五年月洲命二子一孫從余遊兩君
未歿時俱及見嗣君之遊席有志者事竟成不信然與顧予觀
兩君之爲人排難解紛扶危濟困有隱德焉食報當未有艾也
今佩之嗣君揆初又捷北闈矣月洲之子若孫其所至詎可量
哉公知予最深余亦知公最稔旣爲公次其行事因述此以勗
其後人云

道光戊子科舉人候選教諭世愚弟胡榮瞻頓首拜撰

敕封安人鄭母吳太安人祭文

維道光二十五年九月七日世愚姪胡榮瞻敬奠於

鄭母吳太安人之靈於悽痛哉

太安人鸞章賁戶鳳誥榮身鶴齡則七旬有八歲燕翼則二十
有三人孫擷芹宮之秀壻分桂窟之春占富家之大吉萃樂
事於天倫宜其從容謝世談笑辭塵然而夫人城圯天姥峯
頽庭萱露冷湘竹霜催鶴唳九臯而下弔鶻啼五夜以含哀
生芻一束濁酒三杯敢述

懿行以慰泉臺

太安人之嬪於鄭也閨苑仙姿延陵華胄捧鴻案以相莊挽鹿
車而非陋旨蓄秋冬機鳴宵晝疎帳縹被不羨紩羅短衣布
裙何知錦繡方却儻來之福君子安貧竟資內助之賢善人
是富既而夫子遘疾中道棄捐偕老之期已矣義方之訓依
然箕裘勿墜弓冶斯傳當熊丸勤課之時詎誇裕後乃鸞鏡
分飛之日竟欲光前于焉堂構維新竹苞松茂從此家庭有
慶椒衍瓜繇最可敬者韓家桐木雖本一枝田氏荆花幾分
三樹惟妯娌之不和致兄弟之多故

太安人家道不乖內言無忤曹大家風規郝夫人法度青年其

事爭黽勉于居恒白首同心樂優游于遲暮况復長妣不幸
猶子早亡家留雛鳳室賸孤凰遭此不造黯然神傷顧謂哲
嗣汝不可妄安樂與其辛苦同嘗十餘年來厯久如常方期
爲彼完姻素心稍慰豈料留茲缺陷夙願未償若夫家廟之
規義莊之制志已蓄于前人事未興于先世又謂哲嗣盍早
爲計徐城分支正齋餘裔松柏棲神蘋蘩致祭一堂聯棣華
之鄂式禮莫愆百世庇葛藟之根引之勿替又若水溢旱乾
歲則不熟指我困倉憐伊溝瀆餼子皮之鍾爲公叔之粥慈
雲一朶化成桑梓之陰活水數升灑遍枌榆之涸爾乃積雪

冬封涼飈秋肅人無卒歲之謀家有號寒之哭豫章未載疇
郵宣妻須賈不逢誰憐范叔爰製寒衣以覆百族綈袍誼重
乎古人衣被恩周乎煢獨韓家熨斗炭分紅焰之溫孟母機
絲曝送黃繇之燠至於道多露齒室有枯骸衣衾禱殮棺槨
誰埋曼卿含悲而未訴顏路欲請而無階爰鳩匠氏預爲安
排何不付舟汝輩豈吝吝惜于我乎殯此心卽是安懷其他
募修神廟助理梵宮津梁已斷道路不通或捐貲而獨任或
鳩僝以同功此哲嗣之豪舉皆

太母之高風於虜痛哉

母自仙遊人將安仰相春者歛歔執紼者悒悒哀誄之文滿堂

會葬之車千輛

榮瞻

拜謁有年睽違咫尺念先人世接里閭

皆嗣君舊同硯席此日葭莩偶托何難時奉起居當年蘭樹
齊來已得遡心晨夕是以播芳型求遺迹示將來思曩昔淚
隨筆下弔

坤範兮何存文以情深悵

母儀兮安適冀暫駐夫

靈旂庶

俯聽夫祝冊

東山先生集

卷二

三

書存古堂

鄭鳴岐先生家傳

鳴岐先生余祖耕和公篤友也爲文清剛雋上獲雜盡脂粉嘗受知於學使者胡爲名諸生繼又受知於學使者雷次宗先生與當時撫軍以歲貢授訓導辭不赴任年八十餘終於家余祖貧約時先生常資助之余祖不謝先生亦不言然余祖未嘗不爲兒孫輩諄諄述也迨余叔蓉莊公爲浙東轉運鹽課使迂先生先生以老病辭及余以讀禮家居過先生先生謝世久矣而孫輩尙彬彬守祖風茂才南圃者先生長孫文似其祖吁自余曾伯祖南沙公以節行理學發爲文章後起之士從之如鄒太和

蔡敬齋輩皆言貫經要語透宗旨而余伯祖味經公尤以經術擢上第爲大官先輩學有根抵如是今數十年耳而談藝者大都以剽竊爲尙文品士品大概可知讀先生與其孫南圃文知師傳家學固異於世俗者之爲之也先生之父克紹公嘗還人遺金五十兩當是時公方以磨腐生理嗚呼一貧至此而見金不動鄭氏之有後也宜哉

刑部右侍郎乙丑科貢舉姻家眷再姪秦瀛頓首拜撰

鄭起燕起旦起良三公合傳

嗚呼世之友于兄弟者之爲甚難也故家大族析箸則因而爭
產者有之矣同室則因而鬪牆者有之矣何者貨財不淡情性
各殊氣之所逞手足莫惜此則勢有固然者也卽或情恕理遣
其守退讓宜其怡怡不少損矣而妯娌之間一豆觴釁啟一言
語厲階爲之昆季者就令無違言外和內忤蓄怨不釋友于之
誼安在哉然後嘆吾錫邑錢橋鄭氏起燕起旦起良三公之不
可及也三公爲貢元儒學鳴岐先生之孫鳴岐先生兩子長景
輿次景喬景輿生起材起良景喬生起燕起旦景輿景喬公於

乾隆三十年先後謝世越三載景輿公室馮孺人卒又一載起材卒是時鳴岐先生年逾七十主內政者惟景喬公室錢孺人上事老翁下撫幼孤鳴岐先生壽八十有七而終三公垂髫卯角出則同學入則聚錢孺人膝前有讓棗推梨之樂蓋其友愛自少時已然而錢孺人之懿德於此益彰矣繼而起燕公娶繆孺人起旦公娶馮孺人早卒繼娶朱孺人起良公娶王孺人自錢孺人沒後族黨親戚登三公之庭見其兄弟情篤無異兒時而室以內起居言笑亦絕無爾汝稍見顏色由兄弟而姊妹雍雍然相和也肫肫然相愛也一時咸共慕之此雖鳴岐先生垂

範於前錢孺人守教於後而三公之聰聽祖考之遺訓無一人弗肅且至老不衰刑于之化并及婦人非其性敦友睦曷克臻此起燕公諱友崧金邑庠生壽七十有六配繆孺人壽七十有八子五人起旦公諱庭槐 恩賚粟帛議敘八品銜壽八十有二繼配朱孺人壽七十有六子五人起良公諱又棠國學生例贈登仕郎壽八十有四配王孺人壽七十有二子三人洪範之福曰壽華封之頌曰多男三公皆年登大耋夫婦齊眉家有十三男子天之報其友于之誼舉古人所罕觀者曾不少靳可謂至矣予與起燕公幼子國學生炳貴起旦公次子國學生錫勳

起良公次子邑庠生士徵同受業龔佩華夫子之門故知之尤
悉後往來西里時造其室猶及見三老人聚首一堂藹然笑語
今其子孫林立少長輯睦猶疇昔也三公之家教鄭氏可傳之
勿替云因欣喜而爲之傳

例授文林郎軍功六品銜卽選教諭道光癸卯科舉人檢選知
縣世愚姪稽蓉頓首拜撰

少谷鄭君傳

君姓鄭氏諱炳遠少谷其字也世傳耕讀曾祖諱人瑞以歲貢選儒學祖諱源惠早世父諱庭槐八品議敘君性敏悟幼卽好學始受經於翰林黃素峯繼學文于族兄鄭仲博孝廉後受業于龔明經佩華諸先生皆以大器期之君私心竊喜益自砥礪欲以文章詞賦馳騁當世梯取功名慰二老光宗族以副諸先生之望不意數奇不偶歷試十餘場未邀賞識抑鬱感憤遂得心恙越三載餘竟卒年三十有七配劉孺人子昌基女二一適顧一適戈當君之卒也昌基尙幼劉孺人時以君平生心苦語

之昌基一意勤學思獲一芹一第乃世務羈身不能從願今年
秋援例入太學非誇耀于里黨乃慰君子九原也少谷可謂有
子矣因修家乘而索傳于予予不覺悲喜交集云時

咸豐戊午仲冬廩貢生卽選儒學同學弟蔣伯華頓首拜撰

鄭節婦徐孺人事畧

節婦姓徐氏吳縣學博少山公名對揚女幼沉靜端淑女工針
黹外並通書史年二十一歸國學生鄭濟美時翁已先卒事姑
秦太孺人曲盡孝道能得其歡心甫及十載不料濟美邁疾氏
躬奉湯藥衣不解帶日不交睫者月餘已而濟美卒氏絕粒誓
不欲生父解之曰汝姑已老兩孤一四齡一二齡仰事俯育所
關於鄭氏者甚大汝不可輕死氏意悟乃進飲食治家事經紀
喪葬莫不盡禮姑年七十餘氏扶持調護無微弗至以故年雖
衰而精神反盛兩孤稍長督課極嚴蓋父家夫家皆以詩書爲

傳家起家物夫不永年而有志未展者氏欲子承父志以振家聲也嗚呼氏真賢矣哉氏生平不苟言笑足蹟罕出庭戶秉性寬仁尤好施予比邑中善事無不出資相助夫卒時年僅三十守節已歷十有餘年允符請旌之例又其事足以勵風俗也爰據實而書之

道光二十二年三月望日

賜進士出身福建淡水同知隨帶軍功加三級杜紹祁拜撰

玉書公家傳

玉書姓鄭氏諱瑞磨月洲長子也幼醇謹言動不苟弱管爲文莊重不佻如其人年未冠月洲延余課讀業大進歲戊戌應童子試爲宗師所賞額滿見遺然益自刻苦不少懈負笈從余遊者又數年屢以商籍赴浙闈歸輒以文示余余方謂鵬程萬里指日可期終不獲雋士林惜之性寬厚好施予月洲遇水旱慷慨賑貸彰彰耳目間而玉書陰行善不令人知每歲杪微行察窘迫者潛以錢遺之里有孀婦不能自存議改嫁玉書亟遣人止之許結月米已無及矣爲之悒悒者數日聖人言父在觀志

父歿觀行玉書行事不少概見而其志固已遠矣體素肥自三載之中二親相繼歿頻年哀毀日就尪羸歲丙辰大旱綜理家務日夜焦勞遂得脾疾竟不起卒之日里中皆流涕年四十有四配薛氏繼配胡氏均有淑德子五人長厚培從余遊好學能文有父風次德培次蔭培俱薛氏出次源培次心培出嗣杏村殤女一俱胡氏出孫一人善詒孫女四人

胡榮瞻曰玉書天資純粹人也精明不逮其父而渾厚過之余知生最深生亦信余最篤平日嘗語人予爲人得如竹溪先生否於戲以余之樸魯巽懦動爲俗人所非笑而生慕之效之且

惟恐其不及焉居今之世可與敦古處者微斯人其誰與歸己
未春鄭氏葺譜將竣其子厚培乞余爲傳因書此以畀之
咸豐歲次己未春三月之吉世侍胡榮瞻拜撰

寶印川經部

卷一

全書

良泰公傳

公諱良泰姓鄭氏炳山公之季子也少學于華醴泉先生聰明過人先生器之不幸失怙恃學業因以不就然心常慕之每遇學士文人敬之如神明焉後生子仍延醴泉先生課之事之如親先意承志終歲畧無倦怠意先生疽發于背延醫療治無不至甚至戚戚焉寢食俱廢先生不起哭泣之哀儼執親喪待先生如此以視世之徒事虛文者不大相懸絕耶余故表而出之以爲延師者法至其存心之忠厚處世之謙和人皆知之余可無錄也公生于嘉慶甲子正月三十日卒於咸豐丁巳正月三

十七日得年五十有四配謝孺人咸豐戊午歲鄭氏重輯家乘
余承其子溶之屬而勉爲之序姻愚弟曹承本頓首拜

贈姻伯勝安鄭君序

赴義而不謀利從公而不及私古也有之今則難其人矣姻伯勝安鄭君振時公季子也爲人方剛正直無論鄉里紛爭經君排解靡不帖服卽有人所不能爲人所不敢爲而又有不得不爲者君處之不徇私不徇利踴躍爭先未嘗言瘁此非今之古人也乎世居蓉圩圩堤歲久宜修道光十四年君請諸當路未允至二十年夏水漲堤果潰君又請當路亦悔不能思患預防遂允君議倡捐設局撥費動工尅期告竣故凡今圩民得以耕耨休息於其中者雖當路之功然微君之請不及此也君春秋

七十有六猶健飯有廉頗風配許孺人康健如君子五長鉞三
鑑皆議敘縣佐次鈞早卒四銓五銘均循謹孫八曾孫一濟濟
一堂誠天倫之樂事也余忝居戚末因君續修家乘爰序君之
大畧以爲贈

姻愚姪曹承本頓首拜

天求公傳

公姓鄭氏諱詳發字天求元爵公之長子也元爵公謝世時公年尙幼卽勉力傭作以養母氏張孺人旣冠體偉力強不辭勞瘁竟以起家性樸誠喜施與見人窘迫悉周之以故里中皆稱爲長者道光辛卯庚子壬寅屢遭歲歉公任董倡捐災民賴以全活當路嘉之給好義可風額又請 旨給縣佐職銜公堅辭焉不允而後受嗚呼公本寒素而貨財生殖以致裕如能勇於爲善表率一方以視世之貪多無厭遇事慳吝者相去爲何如耶公事張孺人無或稍違張孺人臨沒謂公吾家甚貧而致小

康於分足矣惟杭州三竺香願未完不免耿耿耳故張孺人卒後公每歲至杭州謁三天竺以遵母氏遺命宅近惠麓晚年或曳杖觀泉或扶孫啜茗桑榆蔗境真可慕云公生乾隆乙酉年十月十一日卒道光壬寅年七月廿六日享壽七十有八配榮氏生萬裕繼胡氏生萬興萬德萬金萬盛孫十人戊午歲鄭氏彙修宗譜予承公之子萬金屬而勉爲之傳世愚姪馮驥良拜

譔

贈鄭姻伯子偉序

處鄉里間有以強陵弱以眾侮寡者莫不畏憚其人有號寒啼飢者又能有以惠卹之非其才足以解人之紛氣足以戢人之暴量足以周人之急者烏能若是哉玉祁鄭姻伯子偉余深悉其爲人凡互相欺蒙誠僞莫辨者君犀分燭照誠者明僞者著才足以解人之紛也凡好爲陵侮是非莫論者君不苟不吐是者伸非者懼氣足以戢人之暴也至若出貲建橋捐米賑飢施藥濟人種種善舉不畏難不辭勞不惜費量足以周人之急也噫世不乏有才有氣者惟有才有氣而無量則才與氣適爲網

利取貨之具耳烏能於賑濟構造諸善事慨然任之不侵食其
貲且能不自吝其貲也乎如子偉者可以風矣余故勉爲序以
贈之

姻愚姪華季遵頓首拜

聖敘鄭翁序

世有勤而食貧者乎曰無有有厚而不受福者乎曰無有既不
貧矣獲福矣人見其然而不知其所以然則未卽其之前後
而統觀之也翁姓鄭氏字尊誼號聖敘君忠公次子幼時家業
甚微及長力農服賈家業遂日隆起性純孝晨昏定省無敢稍
違而又爲人敦樸交遊必慎所與凡親鄰告急與族黨有義舉
無不慨然任之戊午歲彙修宗譜謂其族人曰族之有譜所以
承先啟後可不贊襄厥事哉遂偕族弟子偉子佩等不辭勞瘁
玉之於成如此行詣求之士林中尙爲罕覯而翁能之不誠足

多乎配邱孺人性淑慎持家勤儉事舅姑亦能得其懽心一切
家政佐理秩然子三長德維嗣兄爲後次德賢三德康雖未嘗
業儒而醇謹老成俱有父風其昌熾正未可量也故不揣鄙陋
而樂爲之序

咸豐戊午冬十月姻愚弟吳又新頓首拜

文達鄭君家傳

君姓鄭氏諱憲之字文達萬歲橋鄭氏始遷祖也兄弟四人君齒居長先世自梁溪遷居澄江後丁明難君復遷於萬歲橋買宅卜隣遂家焉君幼讀經史不求聞達因務有莘業擇交遊重然諾甘疏布怡然自樂兩被匪類誣成訟幾破產事終白君不以此介懷里有貧乏君慨然助之里有紛爭君婉言解之鄉黨稱善人訓子有義方日以讀書積善爲訓後兩令嗣俱補博士弟子員箕裘相接雲仍蕃衍天之報施善人果不爽也君九世孫雲岡姻丈祺內弟錢子青外舅也承先人志續家乘索傳於

祺祺之文固不足以揚君之善行第祺於雲岡姻丈有薦蘿誼
義不能他辭却君之善行皆雲岡姻丈所述云
贊曰不營富貴不戚貧賤節以持家謙以涉世如君者不可一
二數也書曰有典有則貽厥子孫今之古人與

祺拜撰

鄭氏大統宗譜第二卷終

